



TOSHKENT DAVLAT YURIDIK UNIVERSITETI REKTORINING B U Y R U G ' I

02.06.2022

128-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 3-kurs A potok 3-guruh talabasi Dehqonov Shermuhammad Musajon o'g'li o'zining Facebook sahifasida universitet imijiga salbiy ta'sir qiladigan ma'lumotlarni hamda davlat hokimiyati va boshqaruvi organlari xodimlarini ishchanlik obro'siga salbiy ta'sir qiluvchi asossiz va tekshirilgan dalillarga asoslanmagan turli xil ko'rinishdagi ma'lumot, fikr, mulohaza va munosabatlarni Internet va ijtimoiy tarmoqlarga joylashtirgan.

Talaba Sh.Dehqonov ushbu harakatlari bilan universitet Odob-axloq kodeksining 14-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imijini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish) 16-moddasi uchinchi qismi (davlat hokimiyati va boshqaruvi organlari va Universitet faoliyati, uning xodimlari hamda talabalari sha'ni va qadr qimmati hamda ishchanlik obro'siga salbiy ta'sir qiluvchi haqiqatga to'g'ri kelmaydigan, asossiz va tekshirilgan dalillarga asoslanmagan turli xil ko'rinishdagi ma'lumot, fikr, mulohaza va munosabatlarni Internet, ijtimoiy tarmoqlar, shuningdek, boshqa ommaviy axborot manbalarida, tarqatuvchilarda, tashuvchilarda paydo bo'lishi (oshkor etilishi)), 26-moddasi sakkizinchi, o'n to'rtinchi va o'n beshinchi xatboshilarida (Universitet obro'-e'tibori va nufuziga dog' tushiradigan har

qanday harakatlarni sodir etishdan o'zini tiyish, xodim, talaba va doktorantlar, shuningdek, boshqa shaxslar haqida turli ig'vo, fitna, g'iybat va bo'xtonlar uyushtirmaslik va tarqatmaslik hamda universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslik) keltirilgan qoidalarni qo'pol ravishda buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 14, 16 hamda 26-moddasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1. Universitet Xalqaro huquq va qiyosiy huquqshunoslik fakulteti 3-kurs A potok 3-guruh talabasi Dehqonov Shermuhammad Musajon o'g'liga hayfsan e'lon qilinsin.

2. Xalqaro huquq va qiyosiy huquqshunoslik fakulteti dekani (D.Umarxanova);

ushbu buyruq bilan Xalqaro huquq va qiyosiy huquqshunoslik fakulteti talabalarini tanishtirsin;

mazkur holatlar takror sodir etilsa, talabani talabalar safidan chetlashtirish mumkinligi to'g'risida qat'iy ogohlantirsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV



Direktor

SH.PO'LOTOV

